



UNIVERSITÄTS-
BIBLIOTHEK
PADERBORN

De Vita Et Rebus Gestis Christophori Bernardi Episcopi Et Principis Monasteriensis Decas

Alpen, Johann von

Coesfeldiae, 1694

21. Consecratur Episcopus. Et Episcopali munere præclare fungitur.

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

Principis in Patriam charitas multis jam tum salutaribus gestis se prodens emicabat, ut quos regebat imperio, pietate dulcius cogeret ad officium pariter & sui amorem. Atque ipsa hæc, incredibili clementiâ, benignis alloquiis, omni officiorum genere ita cumulabat, ut capti eâ morum suavitate populâres, effusi in ejus laudes, rediisse cum Principe pristinam Diœcesi felicitatem sibi gratularentur.

Ut autem non minus sollicitum animabus, quam corporum se probaret Curatorem, sacro Episcopatus ordine solenni ritu inaugurari voluit; exemplo patriæ tam novo, quàm grato. Nec enim ab hominum memoriâ Dicecesin rexerat consecratus Antistes, *Joanne Guilielmo Clivix, Ernesto & Ferdinando Bavarix Ducibus*, Episcopali caractere nunquam insignitis. At verò *Christophorus Bernardus* intra trimestre à confirmatâ electione spatium, pedo, mytraque onerari unus & enixè urgebat. Dies consecrationis decernitur Dominica tunc Divo Lamberto Eburonum Antistiti sacra; & *Franciscus Guilielmus Osnabrugensium Episcopus*, Romani Pontificis autoritate jam ante designatus Consecrator, unaque *Joannes Dusseldorpius Sebastensis*, & *Bernardus Frickius Cardicensis Episcopi*, is Monasteriensis, hic Paderbornensis Suffraganeus, ceu futuri

Assisten-

21.
Conse-
cratur
Episco-
pus.

17. Sept.

1650.

Assistentes invitantur. Postquam igitur *Sebastenus* (meus in Præpositurâ Santenli quondam Prædecessor) paulò antè *Christophorum Bernardum* Sacerdotio initiaverat; *Franciscus Guilielmus XVI.* Kal. Octob. Monasterij magnificè excipitur. Postridiè sub nonam antepomeridianam, par Principum, par Infulatorum, inter campanarum omnium compulsionem, tubarumque ac Musicorum concentus vestitam maximo ornatu Basilicam Paulinam ingrediuntur, tanto populi affluentis undiq; concursu, quantam & actûs ipsius sollemnitatis & dignitas Personarum magnificentiam ostentabant. Tacto jam per Consecratorum & Assistentes Episcopos *Christophorum Bernardi* capite, expletisque cæteris Ecclesiæ ritibus, consecratus Pontifex solenni benedictione populum dimittit, & post faustas qualque tubarum, Musarumque apprecationes, sacro dextera ballamo delibuta, obviis plurimorum gratantium osculis fatigatur. Dies erat pro magnificentia duorum Principum, & conferentis & accipientis sacerisimum Episcopatus ordinem insignis. Sed transacto inter epulas & gaudia biduo redire Osnabrugensis parabat; quem Neo-Præsul abeuntem ad eum extra mœnia locum deducit, ubi quatri-duò antè exceperat, ibidemque pari, quo primùm convenerant, officiorum genere

inter

1651.

Et Episcopali
munere
ipsum
fungitur.

inter amplexus ab invicem discessere. Et sanè *Christophorus Bernardus* esse Episcopus, quàm dici maluit, gnarus Principatum in Episcopatu, non Episcopatum in Principatu fundari. Exindè igitur munere suo reipsâ functurus, aras ac templa, quæ belli tempore aut diruta erant, aut profanata, restituere, statisque cæremoniis expiare cœpit. Sacros ipse Clericis Ordines conferre; eorum, qui servitiis Ecclesiæ mancipabantur, examini præesse; Curiones virtute ac doctrinâ probatos Parœciis præficere; missitare per Provinciam è Societate JESU Sacerdotes, qui Sacramentorum dispensatione pietatem instillarent, rudemq; populum divinis imbuerent præceptis, & imperitam clementis fidei juventutem. Ipsemet Diœcesin lustrare; inspicere mores singulorum; excitare Archidiaconos; exigere rationes animarum; corrigere errantes; urgere segnes; laudare sedulos, sui quemque officij commone; coactâ Diœcesanâ synodo eas præscribere & innovare leges, quæ servirent Religioni, ac pietati non minùs restaurandæ, quam stabiliendæ.

Dum magnam ita sacrorum curam Præsul habet, nonnulli tam præclari exempli incitamento ad gremium Romanæ Ecclesiæ paulatim revertebantur. Quos inter Nobilissimus *Joannes de Reck Dynasta in*

D

Stein-

22.
Domi-
nus in